



Adresa: **UJ. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-026-4/22**
Datum: **22.03.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica „ANTUNOVIĆ AGS” d.o.o. Orašje za donošenje rješenja o vodnoj dozvoli za ispuštanje oborinskih onečišćenih otpadnih voda i tehnoloških otpadnih voda iz autopraonice u prirodni recipijent sa lokacije benzinske pumpne stanice sa samouslužnom autopraonicom „ANTUNOVIĆ AGS” d.o.o. Orašje – P.J. Orašje, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE
o vodnoj dozvoli

1. Pravnom licu „ANTUNOVIĆ AGS” d.o.o. Orašje daje se vodna dozvola za ispuštanje oborinskih onečišćenih otpadnih voda i tehnoloških otpadnih voda iz autopraonice u prirodni recipijent sa lokacije benzinske pumpne stanice sa samouslužnom autopraonicom „ANTUNOVIĆ AGS” d.o.o. Orašje - Poslovna jedinica Orašje, izgrađene na zemljištu označenom kao k.č. broj: 1172/1 K.O Orašje I, općina Orašje.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=400 \text{ m}^3$ sa pripadajućom armaturom za rukovanje, praćenje i sigurnost rada.
 - 3.3. Korisnik objekta je obavezan redovno vršiti kontrolu međuplašnog prostora rezervoara, njihovo čišćenje kao i kontrolu rada.
 - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 3.5. Korisnik poslovnog objekta za sve vrijeme trajanja ove vodne dozvole, mora obezbjediti da se oborinske onečišćene vode sa lokacije predmetne benzinske pumpe i tehnološke otpadne vode iz samouslužne autopraonice nesmetano sakupljaju i odvođe do ugrađenih separatora ulja i naftnih derivata, a zatim preko okna za monitoring upuštaju u kolektor oborinske kanalizacije čiji je krajnji recipijent rijeka Sava.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.8. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
- 3.9. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.10. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.11. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.12. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.13. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta „ANTUNOVIĆ AGS“ d.o.o. Orašje, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „ANTUNOVIĆ AGS“ d.o.o. Orašje se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih otpadnih voda i tehnoloških otpadnih voda u prirodni recipijent sa lokacije benzinske pumpne stanice sa samouslužnom autopraonicom „ANTUNOVIĆ AGS“ d.o.o. Orašje - Poslovna jedinica Orašje, izgrađene na zemljištu označenom k.č. broj: 1172/1 K.O Orašje I, općina Orašje.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Orašju, broj: 025-0-Reg-20-000036 od 19.05.2020. godine;
- Ovjerena kopija Uvjerenja o poreznoj registraciji donesenog od strane Porezne uprave Federacije BiH, Kantonalni porezni ured Orašje, dana 22.03.2013. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-3174-2/13 od 15.07.2013. godine izdatog od strane Uprave za indirektno-neizravno oporezivanje Banja Luka;
- Kopija Rješenja o građevinskoj dozvoli za izgradnju benzinske pumpne stanice na zemljištu označenom kao k.č. broj broj 1172/1 K.O. Orašje I, donesenog od strane Odjela geodetskih, imovinsko-pravnih poslova, graditeljstva i prostornog uređenja Općine Orašje, broj: 03-361-16/98 od 07.05.1998. godine;
- Kopija Rješenja o upotrebnoj dozvoli donesenog od strane Odjela geodetskih, imovinsko-pravnih poslova, graditeljstva i prostornog uređenja Općine Orašje, broj: 03-361-36/98 od 09.10.1998. godine;
- Kopija Rješenja o okolinskoj dozvoli donesenog od strane Ministarstva prometa, veza, turizma i zaštite okoliša Posavskog Kantona, broj: UP-I/05-23-18/17 dana 14.08.2017. godine;
- Kopija Rješenja o vodnoj dozvoli broj: UP-I/08-25-09-108-2/12 od 03.07.2012. godine donesene od strane Ministarstva poljoprivrede, vodoprivrede i šumarstva Posavskog Kantona;
- Kopija Rješenja o vodnoj dozvoli broj: UP-I/25-3-40-697-34/16 od 17.02.2017. godine donesenog od strane Agencije za vodno područje rijeke Save Sarajevo;
- Opći akt o održavanju, korištenju i osmatranju vodnog objekta i postupanju u slučaju kvara;
- Izvještaj o monitoringu kvaliteta i kvantiteta otpadnih voda benzinske pumpe „ANTUNOVIĆ AGS“ d.o.o. Orašje, urađen od strane „Inspekt-RGH“ d.o.o. Sarajevo, decembar 2021. godine;
- Tehnički elaborat o ispuštanju otpadnih voda sa lokacije poslovnog objekta BS Antunović u Orašju, urađen od strane „ES HYDROTECHNICS“ d.o.o. Sarajevo, oktobar 2012. godine (na uvid);
- Projekt cesta i površinska odvodnja, urađen od strane „VI-NE-Z ARHING“ Zagreb, rujan 1997. godine (na uvid);
- Projekt vodovoda i kanalizacije, urađen od strane „VI-NE-Z ARHING“ Zagreb, rujan 1997. godine (na uvid);
- Dokaz o uplaćenju upravnoj pristojbi i administrativna taksa.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-026-3/22 od 17.03.2022. godine i konstatovano slijedeće:

Benzinska pumpa sa samouslužnom autopraonicom „ANTUNOVIĆ AGS“ locirana je na zemljištu označenom kao k.č. broj: 1172/1 K.O. Orašje I, općina Orašje.

U sklopu objekta su smješteni slijedeći sadržaji: autopraonica, restoran, kancelarije, trgovina, sanitarni čvor, servisna radionica, rezervoari za gorivo, parking i manipulativni prostor.

Vodosnabdijevanje objekata izvest će se putem priključka na mjesni gradski sistem. Na lokaciji kompleksa nastaju oborinske onečišćene vode i tehnološke otpadne vode.

Oborinske onečišćene vode i tehnološke otpadne vode će se prikupljati putem slivnika sa slivnom rešetkom u internu kanalizacionu mrežu i odvesti do separatora sa pet komora (zadnja komora predstavlja okno za monitoring). Nakon tretmana, otpadne vode odvođe se do priključka na kanizacioni kolektor oborinske kanalizacije sa ispustom u rijeku Savu.

Skladištenje nafte i naftnih derivata se vrši u dvoplašnim čeličnim podzemnim rezervoarima ukupne zapremine $V = 400 \text{ m}^3$.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- „ANTUNOVIĆ AGS“ d.o.o. Orašje, ul. Autoput bb, Orašje
- ① AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava